

44260.121

3421

江陵縣志刊誤

道光十九年梓

江陵縣志刊誤

沙市劉氏家藏

乾隆甲寅予授經荆門州署中客有持江陵新

志見示者予略為繙閱即斥去不復觀客問其故

告之曰此志取材不出乾隆初錢唐施君所撰府

而凡府志中體例之合者彼皆失之如詩賦之

本條用沈休文宋書符瑞志例也

符瑞志何承天白鳩頌附白鳩後江

夏王義恭嘉禾甘露頌沈演之嘉禾頌附嘉禾後

而必全歸之藝文徵引之

必詳出典用張鳴鳳桂勝諸書例也而必盡去其分

注得非所謂買櫝而還其珠乎而又何鯁鯁焉耗吾

目力為客唯唯而去其後五年予遊荆南輒以是語

江陵縣志刊誤

序

劉子南赤南赤曰此予刊誤一書之所為作也退而

出其手所纂六卷者以質於予予取而視之字櫛句

比引繩批根如秦越人之視病盡見五藏癥結又如

張湯之斷獄老吏不能易一字蓋所謂無堅之不摧

者區區是書其何足攻之與有予笑謂南赤曰惜哉

子之費日力於此也太元有之曰明珠彈於飛肉其

得不復真子之謂矣雖然江陵號稱人才淵藪以予

兩年來所見士大夫其好惡與人殊者乃有二焉其

一謂縣志視前志為優其一則謂南赤不知作時文

也今卽刊誤一書觀之其老於文律如是雖使作古文猶當推爲老斲輪手而况區區之時文乎一書之得失一人之毀譽亦何足道獨以通邑之人而是非貿亂乃至於此抑又何說哉然則南赤之爲是書其亦有不得已於此者矣嘉慶庚申夏月蘄州陳詩愚谷序

江陵縣志刊誤

序

江陵縣志刊誤凡例

一江陵舊無專志唯孔氏自來撰志餘一編茲就荆州新舊府志及志餘諸書勒成縣志一部事誠殷勤第倉卒排纂致多舛譌予恐貽誤後人用敢不避嫌忌畧爲訂正尚憾見聞未廣望漏必多補闕拾遺以俟博雅君子

一凡有舉正先錄原文於前文太冗長則從刪節或止摘一二句以定標準緣是書本爲縣志而作必先閱縣志然後可取是書校勘則原文不妨從省

江陵縣志刊誤

凡例

也

一原文長而頭緒多者爲分段糾正或逐節分注而總論於後庶有條理可尋

一凡予所刊者低一格首書璋按二字以別於原文一援引志書唯

大清一統志五字全書餘如明一統志書統志湖廣通

志書通志舊府志書舊志丁丑新府志書郡志江陵志餘書志餘荆事搜佚書搜佚

一縣志義類同而並誤者不能悉刊各門按語中間

亦發凡以例其餘

一凡寫刻脫誤予所及見者卽分注本文之下脫稿後覆案縣志帝虎魯魚尚了了可數是書旣非正字且姑仍之

一地里文獻有諸志所逸者茲不補載別有郢小紀嗣出請正

江陵縣志刊誤卷之一

邑人 劉士璋 南赤

首卷

宸翰

璋按凡帝王御製詩文及御書稱宸翰考四庫全書目錄

列聖上諭在史部詔令門此宜恭書

詔令或

聖諭為是

江陵縣志刊誤

卷之一

第一卷方輿沿革表

秦江陽縣

璋按輿地志雖有秦分郢置江陽之說然漢書地理志未載故郡志不列表宜從郡志分注闕疑
晉亦置荊州刺史

璋按此上遺魏晉治江陵句

王虞

璋按虞誤虞

治江陵

宋曰江陵府

璋按此上遺五代時為南平國句

元改江陵爲中興縣城在郝穴赤岸史不具載姑闕疑焉

璋按志餘第二云元人置中興縣於赤岸耳若徑謂江陵所改則不特元史中興路屬邑首載江陵卽舊志所云江陵縣治及學校城隍俱在沙市者又何以稱且附郭首邑遠在百里之外不必明者而知其舛矣中興縣辯附載

江陵志餘中興縣在鶴穴北地名赤岸元人置縣於此明初廢統志通志舊府志所載略同志餘又

江陵縣志刊誤

卷之一

二

云中興縣學在沙市至元癸巳始以舊總制司爲之今學廢而文廟神几猶在赤岸頭陀寺新府志辯之曰元史地理志中興路領錄事司一縣七縣則江陵公安石首松滋枝江潛江監利別無所謂中興縣卽他書亦不言元曾析江陵地又置中興縣也且赤岸沙市俱隸江陵今縣治設在赤岸而學則置於江陵之沙市尤不可解縣志古蹟學校仍諸書舊說而沿革則云元改江陵爲中興縣城在鶴穴赤岸向所謂有縣有學者茲更有城雖

曰史不具載姑從闕疑而說益鑿鑿可據予謂中興未嘗置縣沿中興縣學而傳疑中興未嘗有縣學殆卽中興路之江陵縣學也何以言之考元史文宗天曆二年改上路總管府爲中興路中興果設縣當在是時而史所載者有江陵無中興謂史有闕誤則應並中興路之名不傳且下距明初修元史時僅三四年卽方策無徵而傳聞未必盡湮旣正史不載則中興未嘗置縣可知元人設錄事司掌城中戶民江陵遷縣治沙市沙市因有學

與城隍祠今學基已無考而中興縣學志餘亦未明指沙市何處唯沙市之東有里社題曰府學神祠歷代郡庠未聞建於沙市竊意卽江陵縣學譌傳者也夫縣學譌爲府學烏知江陵縣學不譌爲中興縣學耶 國初至今百餘年已譌縣學爲府學元明至 國初三百餘年又烏知江陵縣學不譌爲中興縣學耶其曰中興縣學者乃中興路之縣學而省江陵二字猶曰荊州之縣學而省江陵二字耳後人不察以爲旣有學宜有縣又以 文

廟神几適在赤岸遂附會其說耳不然焉有縣治
與學相距且百里者乎然則統志通志何以亦有
中興縣也曰統志通志沿舊志之文非有他據也
然則縣志何以謂城在赤岸也曰九域志江陵有
三鎮俞潭赤岸湖溪今湖溪失所在而俞潭有城
他如石首之建寧監利之監利故城皆鎮也皆有
城則赤岸亦鎮城耳惡得疑爲縣治哉至如神几
微物遷轉甚易不辯可也

第二卷方輿 星野

江陵縣志刊誤

卷之一

四

荊州南陽入翼六度江夏入翼十二度

璋按此二句宜刪

按古今時代不同宿度推遷靡常 晉所謂入翼十
度者乃後漢之翼十二費之翼六蔡之翼五唐之翼
八明之軫初今 時憲之張八度也

璋按分野非地志所重前人辯之甚悉郡志雖云
入翼十度亦有更當辨其分秒之語今依七政經
緯圖詳載是矣然麻法歲差踰時不同若如所云
則祥異所列唐時天占如翼三度四度及十四度

十八度之類不應仍舊志載入矣

形勢

渚宮記荆

璋按脫州字

據江湖之會

按建邦設都至因時制宜耳

璋按形勢地志所重然如開帳鋪錦關軸輔弼之類攔入堪輿家俗說殊可不必

第三卷方輿 山川

鬆甲山 相傳明洪武二十八年楚王楨同湘王柏殲常德叛卒於虎渡口

江陵縣志刊誤

卷之一

五

璋按明史太祖紀三十年命楚王楨湘王柏討古州蠻湘王柏傳洪武三十年五月同楚王楨討古州蠻二十八年無二王殲常德叛卒事楚紀湘獻王傳雖言敗常德降虜於虎渡未載年月亦無同楚王楨語唯解縉湘獻王碑載常德兵反在征蠻前或卽二十八年亦未可定然碑云遣將敗其前鋒則所謂同楚王楨者傳聞之譌也

東山 宋史孟珙傳謂之古嶺先峯今孫家山馬房山鳳凰山一帶是

璋按古嶺先峯孟珙傳中有此名今鬆甲山馬房山則郡志所分注也既標書名宜錄原文爲是紀山在城北四十里

璋按大清一統志通志舊志皆與此同唯郡志作在城北七十里然地志書里數多有不同後凡互異者概不注

漢水

璋按郡志漢水不經府境宜刪

沮水出房州房陵縣景山

江陵縣志刊誤

卷之一

六

璋按此本水經注考水道提綱沮水源出遠安縣北境之北風山當以今疆域爲正

夏水

過夏口

璋按首誤口

而西浮

楊水水經注

龍陂水逕郢城南東北流曰楊水

璋按水經

注文沮漳水自西來會合流入沔行六百里一曰夏

楊水漢書作陽水今水由郢城北入於海子

璋按自水經注

至此全錄志餘文

按龍陂水在郢城北沮漳水入江亦未合

流入沔

璋按宋史孟珙傳沮漳舊自城西入江因障而東

之俾遠城北入於漢志餘所述蓋宋末故道此因
上併誤會爲水經文又以今水道測之宜其不可
通也然此等處實志餘序述不明有以誤之耳
楊水發源於紀山北會紀南諸水出板橋逕龍陂入
海子

璋按此楊水源流

紀西自棗林匡橋與八嶺以西之水同會楊渙橋歷
梅槐入沙灘湖逕祕師太暉達郡隍逕草市入長湖
璋按此太暉港之水發源紀山八嶺山以西與龍

江陵縣志刊誤

卷之一

七

陂源流各別

二水至關沮口西
北合流入於長湖

今指爲楊水西源

非是

馬牧口水經江水東得馬牧口注云江水斷洲會通
之處

璋按水經注江水斷洲通會不作會通亦無之處
二字大抵此書援引舊籍往往任意點竄山川古
蹟二門多難盡刊畧摘數條以概其餘

中夏口在豫章口東是夏水之首江之汜也水經楊
水北流於沔謂之楊口卽中夏口也

璋按水經注豫章口東之中夏口夏水之首也郡志謂在縣東三十五里楊水北注於沔之楊口又一中夏口也在澧口之上去江陵甚遠率合非是楊口水經沔水東南與楊口合璋按水經作陽口卽楊口也杜預傳舊水道唯沔漢達江陵千數百里北無通路預乃開陽口起夏水達巴陵內瀉長江之險外通零桂之漕按杜傳云江陵北無通路乃開楊口其說近是而又云達巴陵內瀉長江外通零桂則又不解璋按預鎮荆治襄陽開陽口起夏水使零桂之漕

江陵縣志刊誤

卷之一

八

由巴陵浮江湖夏而入於漢以達襄陽何不可解之有又按荆門州志州東南一百八十里有接糧湖晉杜預攻江陵嘗有艘至此接糧故名湖亘百餘里在今長湖東北東距漢江不遠竊疑預達江漢漕運當在此處郡志引建陽河似難強通水經權口

下卽陽口去荆門地亦應不遠

虎渡口 名勝志後漢時其地多虎前守募捕之乃更爲患太守法雄至下記曰虎狼在山林猶人在城市古者至化之代猛獸不擾皆由仁及飛走太守雖

不德敢忘斯義記到其毀壞檻阱不得妄捕自是虎
遂渡去或云孝子施宜生過此虎感其孝負子渡河
以避之

璋按此條全錄志餘與名勝志迴殊志餘意在融
裁諸書成一家言故所序述往往不著出典兼有
點竄茲既標列書名忽綴他書之文在未見原本
者不將誤認孔氏之言為曹氏之說乎此類極多
覽者逐條校讐自得

關沮口 長湖水至此達於草沙

江陵縣志刊誤

卷之一

九

璋按郡志雖有沙草二市之說若省二市兩字即
不可通草沙係何物耶

百里洲 按北史列傳渚宮舊事太平廣記老璋按宜易

舊府志俱云陸法和隱江陵百里洲丁丑府志法和
傳引北史而載入枝江誤矣

璋按荆郡自西魏至隋已置江陵總管府北史渚
宮故事太平廣記所稱江陵皆舉郡名也舊志沿
諸書之文未經注明宜從郡志入枝江為是

南湖 元微之貶江陵士曹緣璋按據誤緣

女觀湖

荊州

璋按脫

趙誘

楊槐港楊水由逍遙湖高沙湖入此逕秘師橋達於城隍

璋按水經注龍陂下流始謂之楊水此港與龍陂不通考方輿書江水支流入此港今隄築久堙蓋郡西諸水所匯耳

三海 孫吳時引諸湖及沮漳水浸江陵以北地以拒魏兵號為北海璋按見方輿紀要沮漳之水舊自城西入

江因障而東之俾遠城北入於漢而三海遂通為一

江陵縣志刊誤

卷之一

十

璋按見宋史孟珙傳

璋按此二條卽志餘楊水下沮漳自西來會之所本也前此何不一徵引耶

天子井南齊書高祖

璋按帝誤祖

建元元年荊州城東天

子井出錦士女取用與常錦不異經月乃歇郡志言朱井湖出錦一作天井湖或卽東北之天井也

璋按齊書祥瑞志建元元年郢州監利縣天井湖水色忽澄清出綿百姓採以為纈南史建元元年冬十月己丑荊州天井湖出綿人用與常綿不異

二史說雖小異其爲監利之天井湖則一天井湖在監利

縣北六十里天子井出錦之說本於志餘竊疑伯靡記

憶失真或傳刻偶誤因譌天井爲天子井譌綿爲

錦郡志第刪而不辯蓋不必辯也大約舊府志誤

者十四五志餘誤者十一二凡二書所載而爲郡

志所汰者縣志仍多收入藝文最甚由郡志旣未置辯

縣志意在求多且誤認二書優於郡志于是叢雜

踏駁之弊不可枚舉矣

天井水經注龍陂水逕郢城東北流謂之楊水又東

江陵縣志刊誤

卷之一

十一

歷天井北按井在方城北里餘周迴二里許深不可

測中有潛室見輒兵禱雨多驗見江陵記渚宮故事

璋按水經注作廣圓二里禱雨多驗本渚宮故事

水經注無此語寰宇記引盛宏之荊州記分注作

江陵記亦誤

天井淵 按龍陂天井天井淵本三處江陵志餘則

載於龍陂一水之內舊府志有龍陂天井淵而無天

井新府志三條俱列而又彼此互淆

璋按郡志天井淵在城東南十里龍陂在紀南城

西南天井在城東三水各書原自不淆

第四卷建置 城池

今城為船官地春秋渚宮也

瑋按今城楚船官地見水經注楚字易為字臺釐
千里之辨不可不慎

梁太清三年臺城不守時湘東為荊州刺史命於江
陵四旁七十里樹木為柵掘塹三重而守之瑋按此郡志所

引通鑑文大寶二年紫雲如蓋臨城無幾而孝元即位都
此侯景之亂帝命柵江陵城樓雉相望周迴七十餘

江陵縣志刊誤

卷之一

十二

里瑋按此志餘所纂述即上通鑑太清三年事

瑋按二書兼採不知實一事也又侯景之亂在孝
元即位以前志餘序畢追述則可此條上下文皆
用挨序忽沿志餘之舊顛倒其辭亦覺不倫

惠王建國因之

瑋按湘藩遼藩既皆無述此亦不必

鎮總兵官鄭四維瑋按鎮上脫荆字

第五卷建置 壇廟

關帝廟 帝督荊州故瑋按府誤故基

洪武四年加封真君

璋按知新錄洪武時未有加封真君之事封崇寧真君在宋徽宗朝

三節祠 錢忠節公錞

璋按明史 大清一統志通志新舊府志鍾祥縣志錢公皆未書諡此云忠節豈鄉人私諡耶亦應注明

于公詞 璋按祠誤詞

廉文正公祠 詳名宦

江陵縣志刊誤

卷之一

十三

璋按本書無名宦當云詳府志名宦

湘濂 璋按誤增水旁 王祠

第六卷建置 官廨

荆關工部分司署 仍差戶 璋按部員誤戶 後 璋按復誤後

遷沙市 復差戶 誤同員上

荆州府治 卽前制府行臺

璋按卽前制府行臺六字郡志分注於下文有詳略輕重體固應爾縣志多有以分注作正文者姑識於此

當璋按堂南為儀門

荆州城守中軍璋按脫守署

荆州衛守府署

璋按中樞政考守備無守府之稱

第八卷建置 江防

楊水自八嶺西出楊渙橋經太暉港

璋按太暉港與龍陂源流各別前已辨及考宋史

河渠志高季興於城西柳門及子城置倉開漕高

從誨以龍山門迎城開白剴河水入城西向東漕

江陵縣志刊誤

卷之一

十四

河則此港疑即高氏所開而宋末障沮漳入漢或

亦由此未可知也

沙市堤宋史河渠志 乞發

帑修築

璋按發帑宋史作發卒宋史中亦無發帑字也帑

字擡寫更誤

江北下新開丁子璋按脫月堤

關咀璋按沮口

第十卷建置 津梁

通會橋在府治西

便河橋在府治西南

璋按此錄郡志原文也郡縣志各以其治為主宜
易在縣治某方庶合體式如郡志公署首列府署
及所屬各署而以巡道學院諸署列於次冊此書
則自學院行署始雖據品秩為次第而主客之義
未明

楊渙橋 楊水所逕當云楊渙訛為秀

璋按郡志作楊秀橋舊志無此欲牽合楊水改秀為

江陵縣志刊誤

卷之一

十五

渙耳不知渙尺又切無秀音名稱不雅

江陵縣志刊誤卷之一

男

經裕

敬恭

江陵縣志刊誤卷之二

邑人 劉士璋 南赤

第十四卷學校 廟祀

歷代名宦考

歷代鄉賢考

璋按志猶史也先賢先儒既直書姓名則名宦鄉賢不必稱公

張孝烈公敬修

王靖節公端冕

江陵縣志刊誤

卷之二

璋按孝烈靖節未見史志必私謚也宜易公為先生

朱御史光祚

徐御史鑛

璋按朱官左都御史徐官右僉都御史不宜但稱御史

張侍郎化成

胡叅議克敬

璋按侍郎叅議非其身任官職宜書封某官贈某

官又按張封郎中贈副都御史稱侍郎亦非

第十五卷學校 載籍

御製平定兩金川告成太平璋按學誤平碑文

生徒

璋按此條歷代學官並列宜書師生員額

書院

中興縣學 按志餘又云至以俟後考

璋按此郡志分注按語也不標明所出而低一格直書竟似作者自撰矣

江陵縣志刊誤

卷之二

第十六卷秩官 藩封

文王熊賁 周莊王九年始都江陵

璋按史記年表都郢在莊王八年此沿舊志之誤

成王熊惲 伐許伐黃滅英國執宋君使屈完與齊

桓公盟召陵

璋按召陵之盟在前不宜倒序觀史記楚世家可知

莊王熊侶

共王熊審

康王熊招

邾敖熊員

靈王熊圍

瑋按已上五君史記皆無熊字

昭王熊珍

戰於伯瑋按相舉

惠王熊章

簡王熊中

立二十二瑋按四年

瑋按已上三君史記皆無熊字

悼王熊疑

西發瑋按伐秦

江陵縣志刊誤

卷之二

三

肅王熊臧

瑋按史記肅王臧無熊字

懷王熊槐使昭陽攻魏破於襄陵及蘇秦約從六國

以楚為從長

瑋按史記年表懷王六年破魏於襄陵蘇秦說燕

在前威王六年通鑑周顯王三十有六年蘇秦約

從六國即威王之七年也下距懷王襄陵之役凡

十一年是時以蘇秦為從約長未聞以楚

頃襄王熊橫

璋按史記項襄王橫無能字

荆王賈 王淮東

璋按史記荆世家高祖六年立劉賈爲荆王王淮東五十二城索隱曰劉賈都吳後爲吳王鼻國水經注地理通釋以爲廣陵城是然則荆乃封號與江陵固無涉也此門所載多沿舊志之誤

西平王李通 更始立以通爲柱國大將軍封西平王持節鎮荊州

璋按李通鎮荆非藩封也東漢時荊州治襄陽通

江陵縣志刊誤

卷之二

四

又更始所立皆不應載

楚王瑋 都督荊州

巴東王子響 都督荊州刺史

璋按二人皆鎮荆者非藩封

梁孝元帝宣帝卽位江陵應列本紀但孝元初爲都督荊州刺史後梁乃北周之附庸故俱載入藩封

璋按宣帝雖帝制自爲以其稱臣於周故郡志退置藩封孝元初鎮荊州旣非封建者比後卽位都此通鑑以繼南朝正統今乃入於藩封則權衡失

當矣郡志刪舊志帝王一門而著其事於紀兵中
最爲得宜當從之

梁王蕭簪 太清二年武帝以簪兄河東王譽爲湘

州刺史徙湘州刺史張纘爲雍州璋按脫刺史二字以代簪

纘恃才望輕譽少年銜之及至鎮託疾不與纘見

璋按此刪節周書列傳原文輕譽少年下有州府

迎候有關譽深八字今此則似纘銜譽矣與下意

不貫

南平王高季興 明年拜宋州刺史

江陵縣志刊誤

卷之二

五

璋按此上刪天復二年攻岐一段則明年爲何年

既從刪節宜書天復三年

魏王已破蜀

璋按魏王繼岌不宜刪其名

渤海王高從誨

璋按從誨不必書姓書爵宜從其後進封之號爲

南平王下保融亦然

從誨求郢州爲蜀璋按屬郡誤蜀

渤海郡王高保融 世宗益加璋按嘉之誤加

繼沖 子保擢瑋按權立

太祖命慕容延釗等討之

瑋按此上建隆四年四字不可刪

楚王似 崇寧中徙鎮荆南

瑋按非藩封

荆王元儼

瑋按遙封不宜入

郢國公張士遜

瑋按宋時郢州在鄂且遙封虛號皆不宜入藩封

江陵縣志刊誤

卷之二

六

湘獻王柏

楚紀湘獻王柏

瑋按引楚紀宜分注於後或低一格附錄此則二

傳並列矣

第十七卷秩官 文職

漢江陵縣令劉昆詳名

瑋按本書既易名宦為宦蹟此及後甄法崇樂子

雲劉宰以至前明 本朝之官江陵者又注詳名

宦何也

晉司馬謝奕 方外司馬事

璋按雜記既載此事矣不必復出

參軍孟嘉 君行不苟容

璋按此搜佚從孟府君傳採出者不著出典君字

宜易嘉字然此事政不必載

梁參軍吉士瞻 見梁書夏侯詳傳

璋按此据郡志雜記補入然吉士瞻南史自有傳

西魏江陵總管長孫儉 初平 璋按脫陵江字

五代行軍司馬王保義 傳附藩封

江陵縣志刊誤 卷之二

掌書記孫光憲 傳附藩封

璋按已上二人分注俱錄郡志原文然郡志藩封

後二人有傳此無傳亦注何也

宋宣撫使姚希得

明荊州知府樂瓚

璋按已上二人据搜佚補入存以俟考

本朝荆關監督書光 宗人府副理官

吉爾通阿 宗人府副理官

璋按宗人府副理事官不應去事字又如布顏注

廂黃旗蒙古人達永安注鑲紅旗滿洲人俞大猷
注進士探花之類難以悉刊

第十八卷秩官 宦蹟

劉昆 遷宏農太守峭澗驛道多虎

璋按峭澗虎渡之事郡志從刪以非此地宦蹟也
若欲求多全傳可勝載耶

范理 荆士璋按土誤士負租十四萬石

王培翰 遷衡州教諭璋按授誤諭

何師軾 錢塘璋按脫人字進士

江陵縣志刊誤 卷之二 八

璋按志猶史也雖公卿例當書名自此傳以下多
稱公非是

郭應弼

璋按自此傳以下十人皆不書其籍貫非列傳體

第十九卷秩官 武職

鄭四維

璋按鄭四維 國史無傳扁聯疑出後人誇詡先
閥而流傳者之誤

第二十卷秩官 軍制

君之戍瑋按戎誤戍

瑋按楚兵制郡志錄馬氏通考甚有條理當從之南蠻校尉屯兵 晉武帝置瑋按脫南蠻二字校尉府在方城自油口以東屯營相接

瑋按晉書職官志武帝置南蠻校尉於襄陽江左初省尋又置於江陵水經注所云南蠻校尉府在方城自油口以東屯營相接者正南遷後所置與武帝無關

豫章王蕭嶷以二州刺史兼領南蠻瑋按脫校尉二字繼以

江陵縣志刊誤

卷之二

九

侍中王奐為之奐辭遂置校尉官

瑋按王奐既辭之後尋罷府移置建康今云遂置校尉官而上南蠻下又刪校尉字是誤認校尉為又一官也

天聖間募荆湖歸遠營

瑋按此下遺鄉兵一條

元 軍制無考

瑋按元史有兵志郡志所引百官志亦可參考其畧特荆州措置所在舊志未詳非元之軍制無考

也

文獻通考

經歷

璋按脫典字

出納文移

璋按此條計十三行皆述前明衛軍之制郡志從王元翰續文獻通考錄出者文獻通考安得預有此文

第二十一卷風土 風俗

四月八日

璋按此上遺上已條

第二十二卷風土 物產

江陵縣志刊誤

卷之二

十

脂麻俗名芝麻

璋按脂字可刪

茶

璋按江陵不產茶國史補宋史所云江陵皆舉郡名耳

宮人草 述異記 任昉曰

璋按此條述異記以下郡志所採原書前段任昉曰以下志餘所引原書後段而稍有點竄今欲兼採郡志志餘而述異記之後又綴任昉曰然則述

異記何人作乎

第二十三卷名勝 古蹟

句亶王國 張瑩注今江陵也

瑋按裴駟注採張瑩語非張瑩注史記也注中旁採諸家自徐廣而外指不勝屈豈皆注史記者耶

紀南城 子華瑋按華曰

郢城 左傳襄公十四年子囊將死遺言謂子庚必

城郢瑋按此昭二十三年楚用子囊言城郢今畏吳

復增修以自固

江陵縣志刊誤

卷之二

十一

瑋按昭二十三年傳注作楚用子囊遺言已築郢城矣今刪去傳文及注字似前此並未城郢與增修句語意不貫且混注為傳尤屬非是又此條引括地志凡七行而原書僅一行餘六行皆舊志之文攙入者既支離可刪後編南郡辨郢州土風記語義多同亦嫌犯複

冶父城 水經注 春秋傳

瑋按徵引舊文宜有倫次編中凌亂者甚多可以

類推

奉城

太平寰宇記

志餘

郭仲產荆州記

諸洲供

璋按州貢奉
誤洲供

璋按郭仲產荆州記久佚此條卽寰宇記所引之
文故郡志但墨闕寰宇記以明示出典今析置二
處而間以志餘又取水經注江津戍之文接連載
入不但郭氏散亡之書復見於世且酈注亦居然
郭作矣

按奉城江津戍一地二名郡志分作兩處非

璋按城與戍有別有有戍而無城者故戍可統城

江陵縣志刊誤

卷之二

十一

而城不可統戍固應分列且如江津沙頭沙市一
地三名今江津入山川沙市入鄉鎮沙頭入古蹟
分作三處何也

沙市城古江陵也故隍司祠在焉

璋按古江陵城卽今府治沙市城建於宋元間志
餘第云相傳楚之故城蓋猶傳疑之意竟指古江
陵亦似武斷且江陵城自漢晉已見於載籍隍司
祠元成宗時始建尤不應引以相徵

萬城在縣西六十里唐勒奏士

璋按土
誤士論

自越以

至葉垂宏境萬里故號萬城

璋按唐勒所謂萬城在今河南葉縣與江陵無關
方城在萬城東八里水經注楊水北逕方城西方城
卽南蠻府也

璋按方城旣指城西不得引水經注酈元所謂方
城在城東萬城辯附載

縣志萬城在縣西六十里方城在萬城東八里又
謂志餘以方作万謂之方萬城郡志宋末荆南制
置使趙方子葵守方城避父諱改曰万城轉似一

江附縣志刊誤

卷之二

十三

地二名云云不知方城萬城相距數里實一地二
名也考漢書郡國志注葉縣有長城號曰方城水
經注漁水下葉東界有故城聯聯數百里號爲方
城一謂之長城汝水下醴水又屈而東南流逕葉
縣故城北楚盛周衰多築列城於北方以逼華夏
故號此城爲萬城或作方城唐勒奏土論曰我是
楚也世伯南土自越以至葉垂宏境萬里故號曰
萬城然則長城也方城也萬城也一城而三名皆
在葉境者也左氏傳國語及荀子淮南子所稱方

城指此荊州之有方城也見水經注沔水下所云
楊水北逕方城西方城卽南蠻府在今郡治東其
有長城也見水經注沮水下所云沮水又東南逕
長城東又東南流注於江今在郡治西創始皆不
可考方輿紀要方城或云孫吳所築大抵冠以先代威名如遷郡
遷壽春仍稱郢爾然萬城之名則自宋以前荊州
未之有也按宋律諸府號官稱犯祖父名冒榮居
之者徒一年媿郊錄律文有私諱冒榮之禁階官
與其三代諱相值者許其自陳授以次官容齋三

江陵縣志刊誤

卷之二

十四

筆亦載李仁甫因父名中贈中奉大夫請易光祿
卿事唐人於十千已作万故觀此則郡志所述宋

末趙葵避父諱改方爲萬雖他書未有確據其說

要爲可信且放翁入蜀在乾道五年記謂九月二

十七日荆州解纜泊新河口距沙市三四里二十

八日泊方城則趙葵以前郡西有方城而無萬城

非其明徵與故謂郡東有方城郡西又有方城也
可謂萬城非方城所改也不可謂郡西之萬城卽
方城方城卽長城也可謂郡西有方城又有萬城

也不可

東西二城元和瑋按脫郡字縣志

陰湘城在縣西北四十里

瑋按 大清一統志通志新舊府志志餘皆無此城陰湘不似地名疑卽津鄉音韻之譌然後漢書注津鄉故城在江陵縣東又與此不合未知此据何書增入

南都 魏瑋按衛伯玉誤魏

安興縣

江陵縣志刊誤

卷之二

十五

長陵縣

瑋按與下中興縣宜併入沿革

中興縣 頭陀寺王簡栖碑文跌存荒蕪中

瑋按王簡栖碑在鄂州此書寺觀中亦載郡志辨語茲又闌入何也

沙頭

瑋按鄉鎮已載沙市矣江津口沙頭與江津戍奉城正相類分載猶可沙市沙頭分載則不可

司馬休之壘

十六國春秋

休之兵臨峭岸

將軍何藩

璋按休之兵臨峭岸以下志餘刪節通鑑之文此並隸十六國春秋下非是又按何藩南史通鑑皆作胡藩此沿志餘之誤

落帽臺

來蘇亭

漸臺

釣臺

璋按此門旣不分時代序次又不以四至遠近爲

江陵縣志刊誤

卷之二

十六

別而來蘇亭忽參置臺中將謂同在龍山之故然龍山亭又與後諸亭爲類皆莫測其義例之所在

清暑臺

水經注一名大置臺

璋按水經注赤湖東北有大置臺一名清暑臺此沿志餘之譌又按寰宇記作大麓臺

仲宣樓 五十三年江決城潰樓亦漂沒

璋按郡城東南隅獨高樓踞城垣之上戊申城潰水尚未及樓基樓安得漂沒耶蓋當事者折毀之襄陽樓在節度使宅北隅

璋按郡志襄陽樓在節度使宅北隅中標元稹詩
題四字明樓已無考据舊文云爾若節去此四字
則節度使宅在今何處耶詩題云過襄陽樓呈府
主嚴司空樓在節度使宅北隅見元氏長慶集並
著於此

庾樓

璋按此與白碑驛白社諸條皆郡志所刪

枇杷門

韓雄璋按翊誤雄詩

津陽門故東門名

江陵縣志刊誤

卷之二

十七

璋按郡志引通鑑注云津陽門城南面東來第二
門當從之

瓦官門 楚梁宦裔封域

璋按宦裔當依志餘作仕宦

鶴澤 或云祐鎮荊州在襄陽江陵為敵境非所統
不知繡壤相連殆亦楚材晉用與

璋按荆襄雖壤地接連然相去五百里且屬敵境
羊公安得取鶴仍舊說存疑可也

撤公桅在公安門麗譙傍賊帥羅汝才縛公於桅射

而肢解之事載郡志今百餘年此桅高踞城巔巋然不朽

璋按羅汝才縛繫撤公於公安門外賊營桅樹上三日粹至城內雲路坊下支解之 大清一統志新舊府志所載並同未有縛於麗譙桅上語也城樓旌竿所在多有郡城各門上舊皆建立郡志城圖可考日久剝蝕此獨多歷年歲非以撤公之故為此語者特以表揚忠烈用意良厚不知撤公大節國史著之志乘又著之名宦鄉賢尸祝之豈假此區區

江陵縣志刊誤

卷之二

十八

為哉且志與史相表裏傳疑傳信不可不慎既諸書所載如合符券茲獨採里巷無稽之言顯與立異是使撤公侃侃就義之處反開後人疑竇非傳信之道也予故不可以不辯

江陵縣志刊誤卷之二

男 經裕 敬棻

江陵縣志刊誤卷之三

邑人 劉士璋 南赤

第二十五卷名勝 第宅

渚宮 按江陵故城古沙市城也

璋按江陵故城見水經注特古沙市之名唐宋始著其不得古於江陵明矣前云沙市城古江陵古蹟今又云江陵城古沙市城然則古今亦可互易耶沙市城考附載

縣志以沙市城爲江陵故城按水經江水又東逕

江陵縣志刊誤

卷之三

一

江陵縣故城南注楚船官地春秋之渚宮後引漢晉諸事皆在此地故禹貢錐指行水金鑑以爲卽今郡治而 大清一統志湖廣通志荊州新府志皆從之漢晉時荊州刺史治所無定江陵亦嘗遷徙觀三國志注及地理通釋可知水經文有江水又南過江陵縣南語按注下距江陵故城約六七十里竊疑彼時江陵縣治在上此因稱故城爾沙市自唐宋以來地稱繁盛而未聞有城志餘謂沙市地勢險固恃水爲防宋趙雄知江陵更築故城

按趙雄所築卽今郡治宋史孫叔敖冢引史記注
列傳及葉適修城記可考 孫叔敖冢引史記注
在江陵故城中而沙市遨遊冢亦謂當卽楚相叔
敖之窆蓋已誤認沙市城爲江陵故城且曰相傳
楚之故城又誤會故城爲楚城矣不知楚文王始
都郢今江陵縣北紀南城是楚囊瓦爲令尹城郢
今江陵縣東北郢城是沙市爲江津地安得更有
城使有城則三國六朝五代用武之際地居衝要
何不聞因基更築乎考宋史瀛國公紀德祐元年
元兵破沙市城前此與元相持甚久沙市殷富之

江陵縣志刊誤

卷之三

二

地築城堡自固勢所必然迨元而縣治又遷沙市
城隍重新此則灼然易見者耳然則沙市城宋元
間始建不特非江陵故城並非楚之故城亦明矣

十國春秋後晉天福八年

璋按十國春秋無後晉之名

高從誨鑿

江陵城西南隅爲池立亭其上亦曰渚宮

璋按十國春秋止此

原文日上仍其舊而名之也

璋按此語何據郡志餘所引舊

郡志云在故城東南誤矣宜在郡城西南隅

璋按元和郡縣志謂州治卽渚宮地故郡志約畧
數典而不指定何方若必以方求之則舊郡志所

云東南者既本之統志考左傳孔氏正義亦云渚宮在郢都之南郢城在今郡治即江陵故城東北是渚宮在故城東南之說猶爲近是乃縣志既誤謂故城在沙市又以郡志所引十國春秋証其當在西南豈知高氏渚宮本非舊基十國春秋原文立亭於其上曰渚宮下尚有先是城東南舊有渚宮王特倣其名而稱之十七字爲郡志所刪特以渚宮名同連類而載之耳蓋未見原書而拾人牙慧未有不誤者也

江陵縣志刊誤

卷之三

三

章華宮左傳楚靈王爲章華之宮納亡人以實之當在章華臺上

璋按左傳杜注章華南郡華容縣臺在華容城內皆今監利地故郡志不入江陵宮乃苑囿總名之秦阿房漢之建章皆是傳稱納亡人以實之其廣大可知水經注云章華臺高十丈基廣十五丈是臺特宮之一景耳今云宮在臺上亦可謂鹵莽載筆矣

湘東苑渚宮故事云云

璋按此條所引並余氏舊文中有數處忽作分注

未知於義何居

平府

璋按自渚宮至此凡十一條皆非第宅

羅含宅 熙春臺藻新臺

璋按二臺已載古蹟

宗炳宅

與之歌

璋按歡讌誤歌

庾信宅

西溪叢語信因侯景之亂自建康遁歸江

陵居宋玉故宅

璋按原本此下有宅在城北三里六字不可刪

江陵縣志刊誤

卷之三

四

倪可福宅 **十國春秋**在縣東三十里子孫聚居其處

號諸倪岡

璋按此十岡有轉魚臺乃可福故宅

璋按此志

文餘

璋按郡志此條二書並採而各標出典此則混為一書矣竊謂徵引舊編宜錄原文庶承學之士未見原書者即單辭片語亦得窺見古人崖畧橫加竄易令觀者回惑所謂既誤己又誤人者也

東灣草堂

孔隱居

璋按君誤居

萬卷閣

賜城東一坊為宅因建此閣

璋按朱昂宅宜另標出宅可統閣而閣不可統宅
盤龍齋

璋按郡志辨甚明晰宜刪

第二十六卷名勝 冢墓

懷王冢廣輿記在江陵

璋按懷王冢在枝江縣百里洲張說詩所云客死
曉關路返塋枝江陽也此沿志餘及舊志之誤

孫叔敖墓皇覽曰在江陵故城中白土里今沙市有
冢俗呼遨遊冢一日敖玉冢觀察來鳴謙立碑志之

江陵縣志刊誤

卷之三

五

璋按志餘沙市城下載敖玉冢爲叔敖窆亦傳疑
之意觀察來公据以立碑別無確徵故當時修志
者第載史記傳注案而不斷若指定沙市城爲江
陵故城謂墓在其中則史記注未明言墓去故都
郢城北二十里其去沙市蓋四十里矣

春申君黃歇冢

璋按黃陵冢黃泥冢皆在荆門州地宜刪

趙岐墓水經注在郢城中岐生平所自營也圖季札
子產晏嬰叔向四像居賓位圖己像居主位皆爲贊

頌卒年九十餘

璋按自圖季札以下皆志餘節錄漢書本傳語水經注文迴殊

嚴武墓 名勝志武元孫嚴隆墓在石首麓湖山今其家分爲八族至蕃盛

璋按引名勝志支離宜刪

南平王高季興墓今太白湖畔高陵廟或以爲季興墓在焉

璋按高氏三王墓十國春秋統志通志新舊府志

江陵縣志刊誤

卷之三

六

志餘俱云在城西龍山 大清一統志並著其里名曰龍山鄉郝泉里高陵或卽保勗邱壘猶不失爲臆度若謂武信王墓則繆矣

畢漸墓在城東北

璋按志餘作百二十里

璋按此從郡志恐當以志餘爲確

張文忠居正墓 遊居錄云張太師原姓唐今宜都白羊驛唐旺墓其祖冢也

璋按張大岳集先考觀瀾公行畧高祖唐曾祖旺非唐姓旺名也志餘誤採遊居錄此沿其誤

劉文恪楚先墓在後港

璋按後港荆門州地郡志亦誤收

第二十七卷人物 賢達

蔣艾獵字叔敖

璋按史記本傳孫叔敖者楚之處士也荀子及邯鄲淳碑文皆曰期思人荀子楚人去叔敖又近其言宜可信郡志附著藩封最有斟酌若今孫家山爲叔敖故里則委巷之談不足與辨者也

秦商字子丕楚人

江陵縣志刊誤

卷之三

七

璋按秦商家語作魯人朱竹垞孔子弟子考從之樂藹初知武陵植桃李去後人因名其園不忍伐璋按樂令園雖見統志及廣輿記然本傳未言藹嘗令武陵且錄正史不應攬入他書

庾信使西魏被留長安周世宗高祖皆雅好文學南北流寓之士各許還其舊國獨信及王褒留而不遣

璋按南北通好在高祖保定元年不放子山南還者高祖也本傳及子山年譜所載甚明今移於世

宗高祖下則世宗既未留信不遣且正史亦安可顛倒其文哉

劉孝孫

遷著作郎璋按本傳此下有吳王友三字

璋按此傳從郡志錄出獨刪吳王友三字殆未知爲官名也唐制親王府置友一人白居易有授蕭仲預郢王友賀蘭忠肅郟王友二制又按此編凡列傳中官階年月多從芟薙殆不可曉

劉洎

貞觀中遷治書侍御史

璋按洎初事蕭銑銑敗事高祖刪去前官貞觀中

江陵縣志刊誤

卷之三

八

自何官遷轉耶

邵大爵嘉靖年間進士守平涼

璋按選舉志邵大爵嘉靖庚子舉人平涼知縣

李槩 恭人王氏

璋按恭人之稱殊非志傳體例新舊府志不載李槩疑從志略增入否則錄其家傳未加改正者也

劉春先志略云萬曆時人逸其履歷祀鄉賢

璋按選舉志劉春先萬曆乙卯舉人既無事實載祀鄉賢可矣此不必入

洪濟遠 璋按嘉靖辛酉舉人

王德純 璋按萬曆甲午舉人

劉思捷 璋按萬曆癸卯舉人

璋按已上四人不書科名並誤

傅作雨為吏部主事 至末

璋按此傳全錄湧幢小品蓋從郡志雜記採出也
考選舉志傅作雨萬曆甲戌進士官光祿寺卿今
既補立列傳亦應略序出身始末庶合體式

胡在恪 巡撫趙申喬 公懲其頑者 公至江干

江陵縣志刊誤

卷之三

九

璋按趙申喬官至尚書宜書其最後之官二公字
宜改書名

第二十八卷人物 忠烈

葆申

璋按出呂覽里居未詳

申公子培

璋按出呂覽說苑作射科雉里居未詳

王子閻

璋按出新序不如錄左傳

謝純

璋按謝純陳郡陽夏人宋書有傳此蓋誤採搜佚朱買臣

璋按朱買臣梁書通鑑皆未載其何許人兵敗後

亦不知所終舊本闕人見南史周宏正傳嘗為湘東殺豫

章王棟及二弟橋穆蓋成濟之流亞也通鑑採其

遷都一諫亦不以人廢言之意遽入忠烈膺矣

司馬暠

璋按司馬暠河內溫人也南史有傳梁亡入周南

江陵縣志刊誤

卷之三

十

還又仕陳蓋事三姓矣

岑長倩

璋按唐書岑長倩始建改儲之議逢迎武后後乃立異被誣而死宜從郡志入列傳為允

張允修 文忠第六子

張同敞 文忠曾孫

璋按文忠宜易書名

王維藩

劉楷

王圖南

朱九臯

謝幼安

璋按已上五人郡志皆隸孝義蓋無祿於朝而奮不顧身所謂匹夫慕義何處不勉焉者也入於忠烈轉覺未允

李續勳 洛陽舉人孟長庚續勳大同年也

璋按大同年不典

第二十九卷人物 孝友

江陵縣志刊誤

卷之三

十一

樂頤之

璋按南史樂頤之入孝義郡志改隸列傳以所載不盡孝行也又按郡志於人物列傳外分忠義孝義之目雖倣正史已屬不必此於孝義中又分孝友義行文苑外又列武勳益覺無謂

李思銘 璋按明誤銘

李方膺係已故咸寧訓導李企緒之孫

璋按人物有傳即史中列傳體也一部廿二史曾有如此起法即予此書意存糾繆未暇論文聊舉

一二端以見大概

第三十卷人物 文苑

臨川王劉義慶

劉峻

璋按劉義慶宋之宗室劉峻平原人皆非江陵人
物

汪穎著食物本草宏治中舉人登進士官九江太守
璋按汪穎宏治戊午舉人非進士又所增朱大雅
嘉靖時貢生反在此前亦失次

江陵縣志刊誤

卷之三

十二

安居仁 萬曆年舉人

璋按安居仁萬曆癸卯舉人此傳上李華國則戊
午舉人也序次不依科名皆不可解

楊開泰 與御史魏士章齊名

璋按魏士章官僉事

國朝

張樹聲 天啟丁卯副舉人 孫宏圖 康熙戊辰
進士

璋按郡志以張宏圖特書而追序樹聲事于前以

編次既入 本朝自應以 本朝人居傳首也今
必自祖父順而推之及於孫曾匪直史傳中無此
平鋪直序文法如時代次序何

張應宗 兼工詩古

璋按詩古二字出何典記

第三十二卷人物 義行

傅鎮 孫作舟光祿卿 作雨太常寺正卿

璋按通志郡志傳作舟官少卿 作雨官光祿寺

卿

江陵縣志刊誤

卷之三

十三

徐朝楨 沙市人

璋按當云居沙市

鄭日旭 鶴年均州訓鶴鳴德安府訓

璋按訓導不可省導字

陳國勳 蒙師某卒師母貧乏無依

璋按師母宜易其妻字

第二十三卷人物 隱逸

屠羊說

於陵子

璋按屠羊說雖本韓詩外傳然與於陵子事皆見莊子恐屬南華寓言且未有以定其爲荆產也

鄧璨

璋按鄧璨長沙人晉書有傳

范纘南郡人

璋按南史列傳纘范雲從兄南鄉舞陰人歷仕齊梁卒官國子博士亦非隱逸

李堯言 除侍御史未七十上印綬

孫諭元祐末挂冠與同時退休者爲七老會

江陵縣志刊誤

卷之三

十四

璋按二人乃致仕者非隱逸

高荷

璋按江西詩社宗派圖錄高荷官蘭州通判晚爲童貫客郡志藝文志注荷官直龍圖閣其非隱逸可知此書藝文書目亦採郡志何以並未校對也

孫諷

璋按孫諷遠安人統志誤入江陵舊志因之

張教 中丞公之子 蓋自公肇造也

璋按中丞公及公字宜易書名

王釀

璋按王釀遊幕最久恐非隱逸者流

第三十四卷人物 流寓

王榮

璋按王榮沿舊志誤收

羅含 致仕還家封質肅公

璋按羅含挈家官此非流寓也致仕封公之說雖本舊志然未見所出

樂廣 徙居江陵

江陵縣志刊誤

卷之三

五

璋按晉書樂廣消陽人僑居山陽此沿舊志之誤
楊貽德

璋按出北夢瑣言此錄郡志雜記

田偉燕人歸朝授江陵尉因家焉

璋按田偉官江陵遂家於是其後燕雲復陷則偉未還燕可知此與元謝端畧同端本蜀人因避兵而家江陵端入人物而此隸僑寓是謂自亂其例
李晟 父爲遼府教授遂家焉弟昺官浙江僉事卒
歸葬江陵

璋按此亦因官而家此者非流寓比

第三十五卷人物 藝術

蔡鐵

璋按述異記蔡鐵荊州府吏未有以定其爲江陵人也宜入雜記爲允

王處士精卜筮周世宗在民間時詣問卜處士曰吾家筮法十餘世矣

璋按此搜佚採自五代史補者考十國春秋列傳云王處士者不知何許人然南史列傳吉士瞻年

江陵縣志刊誤

卷之三

六

逾四十就江陵卜者王先生計祿命今處士謂吾家筮法十餘世云云則處士疑卽王先生之後世居江陵者入之人物猶可

第三十六卷人物 列女

江乙母

璋按出列女傳江乙爲郢大夫未必卽郢人也郡志入雜記當從之

第三十九卷選舉 薦辟

樂廣

璋按樂廣非江陵人沿舊志誤

蔡允恭

璋按唐書蔡允恭傳未言薦辟事

唐恕

璋按宋史恕致仕後薦起召對非薦辟

科第

劉洎

璋按唐書本傳洎仕蕭銑為黃門侍郎歸唐累官

民部尚書非由進士科

江陵縣志刊誤

卷之三

十七

羅孝芬

璋按通志不注何許人舊志有郡志無

唐介

參政知

璋按知政事誤

事

汪穎

璋按通志新舊府志宏治壬戌榜俱無汪穎獨搜

佚以為進士

未載科年

恐亦傳聞之誤

李震生

吏部主司

璋按事誤司

璋按李震生官吏部郎中不宜注主事又如劉傑

田大年王曰善王泰徵李盈公諸人所注官職多

與本傳不合

王三薦

嚴欽謨

璋按通志俱注荆門州人荆門州志並有傳

李茂

璋按通志郡志景泰丙子鄉試榜有李茂公安人此沿舊志載入江陵又誤作正統丁卯科

周易同

璋按通志郡志俱注公安人

江陵縣志刊誤

卷之三

十一

成化丁酉科解元王本義

璋按通志此科解元作張才郡志從之然王本義傳又稱爲丁酉解元蓋從楚紀也石首選舉志謂通志所列解元當斷自宏治己酉科始其說良是

彭麟

王瑋

璋按通志注荊州人郡志注石首人今石首縣志謂通志無王瑋亦誤

李昇

璋按通志注荊州人舊志有郡志無

劉鎬

璋按通志注荊州人郡志注石首人

劉應昌

璋按通志新舊府志俱無

毛志忠

璋按通志注荊州人郡志注公安人

畢大魁

璋按通志郡志俱作畢文魁

江陵縣志刊誤

卷之三

十九

嚴欽謨

璋按通志鄉會榜俱注荆門人故郡志不一載然舊志收入江陵胡參議與之同時似應不誤或籍隸荆門而江陵其里居與

蔡維琮

璋按通志不注何許人新舊府志俱無

第四十卷選舉 例貢

胡仰光

河南大

璋按太誤大

康典史

黃紱

雲南鎮雄州毋亨

璋按亨誤亨

巡檢

朱德懋 廣西融縣思營瑋按管鎮巡檢

葉芝瑞 山西渾源縣瑋按州王家堡巡檢

朱德慎 兩淮鹽知使瑋按事

李夢蘭 甘肅秦瑋按秦州吏目

李檜 陝西吳保瑋按堡典史

第四十一卷選舉

貽封

瑋按會典凡祖父母父母父母例未得封而以本身封典貽加者曰貽封此冊所列除七品封祖父母八

江陵縣志刊誤

卷之三

二十

九品封父母外皆應得封典者也且曾祖父母祖父母鮮有生前受封者當改書封贈或併下 恩蔭一門為封蔭亦可

江陵縣志刊誤卷之三

男 經裕 敬棨

江陵縣志刊誤卷之四

邑人 劉士璋 南赤

第四十二卷藝文 書目

劉義慶 世說 小說 集林 後漢書

劉峻 類苑

璋按二人非產江陵其所撰著不宜列目

第四十三卷藝文 表 疏 書

讓右將軍荊州刺史表 建平王

璋按建平王宋劉景素也宜在梁前

江陵縣志刊誤

卷之四

請戒諭羣臣疏 張居正

璋按與地志無關涉下凡類此者但注宜刪二字

進帝鑑圖說疏 張居正

楚二社稷臣疏 李若愚 璋按此疏通志舊志皆載然不必

請齋戒停刑疏 張可前

致關公書 陸遜 璋按此及下篇從搜佚錄出

擬關侯報陸遜書 吳從先

璋按已上俱宜刪

與桓溫弟祕書 習鑿齒

璋按晉書列傳鑿齒罷歸襄陽因與祕書觀書中
所述皆襄陽事迹也宜刪

答湘東王求文集及詩苑英華書 蕭 統

答湘東王和受試詩書 簡文帝

答湘東王書

又答湘東王書

答湘東王上王羲之書

答湘東王書 謝幾卿

與韓荆州書 李 白

江陵縣志刊誤

卷之四

答荆南裴尚書論文書 柳 冕

與江陵項安世書 朱 子

謝病別徐存齋相公書 張居正

上內閣張太岳書 方逢時

與張江陵書 耿定向

璋按已上俱宜刪

重修三鴉寺大悲閣疏

補遺

汪嗣聖

璋按募疏宜入雜體不宜補載奏疏後

第四十四卷藝文 序

畫山水序 宗炳

楚詞序 劉勰

楚詞序 朱子

郢里陽春集序 雷叔聞

張太岳集序 沈鯉

瑋按已上俱宜刪

第四十五卷藝文記

荊州文學記 王粲

瑋按在襄陽宜刪

江陵縣志刊誤 卷之四

郢州土風考古記 石才孺

瑋按宜刪

紀張文忠公遺事 宋學洙

瑋按張文忠生平明史一傳足為千秋定論沾沾
置辯反似狃於鄉曲之私且地志非其家乘惡能
為一人雪謗哉宋容菴此文不必載

第四十六卷藝文碑記

副都御史張公澤民墓碑記 李維楨

瑋按人物已有傳矣墓碑不必載

第四十七卷藝文 賦

章臺賦 胡在恪

老梅賦 魏士章

璋按此書凡例謂藝文次序俱查對廿二史全唐詩集宋元明詩集歷代登科錄庶免倒置今按魏士章崇禎戊辰進士胡在恪順治乙未進士魏作反次胡作後又如論體中胡克敬居來斯行李夢陽之前詩中湯右曾康熙戊辰進士居張鵬翮康熙庚戌進士之前高文鑑順治戊戌進士洪之傑順治己亥進士胡年穎康熙丁巳舉人江陵縣志刊誤 卷之四 四

皆居王士正順治乙未進士之前近者如此遠者可勿論已

第四十八卷藝文 雜體上

張文忠公論 胡克敬

璋按宜刪又此冊前後所登詩文雖畧涉地志而不足存者甚多今姑仍之概不注刪

關侯論 來斯行

關張論 李夢陽

璋按宜刪

劉文恪公傳 賀逢聖

璋按人物既有列傳又錄此文是一人而二傳也
與下張化成傳俱宜刪

荊州府城中西北隅舊有殷仲堪祠說到官廣其堂
立羊叔子廟像成而祭之

璋按已上三十字志餘序述並祭本末今併入張
說祭文中蓋沿舊志之誤原文像上亦無廟字觀
上文廣其堂及志餘並祭之語可知未嘗更立廟
也

江陵縣志刊誤

卷之四

五

方田議 胡克敬

璋按宜刪

第四十九卷藝文 雜體下

南郡辨 則郢之本在於漢明矣

璋按當作郢之不在於漢始通

楚方城辨 唐勒奏七論

璋按唐勒奏士論舊志古蹟作奏士藝文作奏七
此則兩沿其誤蓋既奉舊志爲科律又未見水經
注故也

宋玉宅辨 唐余古渚宮故事

璋按舊志余知誤脫知字此亦仍而不增

李儀賓麟墓誌銘 唐順之

璋按此但錄銘題並書誌與上劉虬誌銘誤同

武侯贊 張 栻

璋按張敬夫官長沙時作武侯像贊朱子跋其後

見朱子文集郡志亦沿志餘誤載

文昌像贊 劉定之

璋按定之此贊見皇明文衡定之永新人文昌亦

江陵縣志刊誤

卷之四

六

非江陵專祀沿志餘誤載

張文忠公集跋 高以儉

孫叔敖故里考 鄧以瑑

璋按俱宜刪

第五十卷藝文 詩

赴荊州泊三江口 梁元帝

璋按統志三江口在麻城縣北又岳州亦有三江

口見禹貢錐指皆去江陵甚遠

詠春 庾 信

早春 宗 懔

始興南山下有林泉嘗卜居焉荆州臥病有懷此地

張九齡

書竄詩 梅堯臣

暮宿田家 張居正

述懷

題東郭招提呈左丞周公 曹 忭

璋按已上俱宜刪

南平王歸朝曲 謝 翱

江陵縣志刊誤

卷之四

七

渚宮 蘇 軾

璋按謝翱宋末人反居蘇軾之前此亦顯而易見者

第五十一卷藝文 詩

送辛大 孟浩然

渡淮 唐 介

元日拜闕 朱憲爝

寄懷龔二孝廉 王啟茂

璋按已上俱宜刪

絕命詞二首 許貞女

璋按此與張允修傳汝爲張同敞李開先此題作及胡秀溫旌表紀 恩詩皆不宜入藝文卽欲表揚忠貞附注諸人傳後可也

第五十二卷藝文 詩

郢城新亭 劉 賓

璋按此宋鄭文寶詩詳玉壺清話

過襄陽樓呈府主嚴司空 元 稹

璋按題下遺樓在江陵節度使宅北隅句

江陵縣志刊誤

卷之四

八

庾樓晚望 白居易

璋按白氏長慶集此詩編江州諸詩中沿志餘誤載

贈別唐子方 李師中

日南被執寄藩鎮諸公 何 忠

江上送尚心泉還睢陽 鄭天祐

璋按詩中有巴西滯客語應是官銅梁時作

元日感懷 張居正

送陳兩峯歸彝陵

秋日同諸君子集釣魚臺賦 張汝濟

瑋按江陵無釣魚臺詩意多屬宦遊考日下舊聞
京城三里河西北有釣魚臺其為中丞官京師時
作無疑

人日簡孫鵬初 虞客卿

亂後展墓 孔自來

弔石麓孝廉 胡在恪

百里洲泛月 劉國任

讀張文忠公傳 王 釀

江陵縣志刊誤

卷之四

張太岳 張開東

瑋按此詩有子房子韶皆名相句子房子韶既未
為相韶字亦失粘

經惠陵 額齊勒

瑋按惠陵後漢昭烈帝陵今在成都玩詩意可見
此從湖北詩佩錄出蓋以額齊勒居荊州因誤會
為明末惠王墓耳不知王墓稱陵里俗相沿詩文
中無此稱謂且惠王遁入廣西荊州亦未有墓

陪素將軍玉從公安門下船遊龍山二首 白衣保

璋按鶴亭詩稿此詩第二首乃夏日莫其厦同金
觀察共話題也玩詩意亦與陪將軍遊山不合已
上俱宜刪

第五十三卷藝文 詩

過楚宮 李商隱

題荊州開元寺壁二首 鍾離權

璋按全唐詩話此題邢州開元寺壁詩也郡志亦
誤採舊志隸之雜記

咏石灰 劉 儁

江陵縣志刊誤

卷之四

七夕 孔自來

宋玉 李商隱

秋日登庾樓 李咸用

璋按詩中有九條烟水但凝愁句樓在江州可知
已上俱宜刪

第五十四卷外志 祥異

簡文帝大寶元年江陵城紫雲如蓋

璋按梁書在大寶二年此沿舊志之誤然城池中
則又從志餘作二年自相矛盾此亦其一端也

德宗真璋按貞元十二年

光武二十二年江陵火邑令劉昆禱之雨降風止

璋按昆本傳二十二年自宏農太守徵為光祿勳
反風事在前

元帝永昌二年

璋按永昌無二年然晉書五行志亦作二年蓋傳
刻之誤

高帝建元元年荊州天井湖出綿

璋按天井湖在監利前已辨及

江陵縣志刊誤

卷之四

十一

德宗真璋按貞元元年

順宗永真璋按貞元年

晉王泰定二年

璋按泰定帝雖未立諡不應貶稱晉王

洪武二十三年漢水瀑璋按誤溢

惠帝光熙二年

璋按光熙無二年

順宗永真璋按貞二年

璋按永貞無二年

萬曆三十一年縣署內有東二樹合生連理當事方
議遷至璋按治於西漢知縣張尚儒以為瑞白之中
丞議遂寢

璋按事在巴東張尚儒巴東連理閣記載舊志藝
文

第五十五卷外志 紀兵

獻帝建安十三年吳周瑜程普大破曹璋按脫操字軍

建武元年賊王冲自稱荊州刺史 侃召冲不到

璋按侃召會杜會不到此誤冲

江陵縣志刊誤

卷之四

十三

齊武祖璋按帝永明八年

陳臨海王光大二年 周總管田宏璋按脫廣字

宣帝太建二年 會梁總管陸騰出助之

璋按西魏置江陵總管周因之周書此事書江陵

總管陸騰從其官也梁固未有此職陸騰亦非梁

臣

光啟元年閏月 馬步璋按脫趙匡謀

唐書傳宗記璋按紀淮西將趙德諱陷江陵

節度使張瓌死之新書城陷瓌死陳璠密斷首至京

師獻之說與通鑑

璋按鑑異璋按通鑑謂瑗留其將王建肇守城而去

璋按郡志以僖宗紀為綱以通鑑為目而採列傳為注所云新書即唐書也仍通鑑舊文耳茲既彙為一條不應唐書新書並列新書宜易陳儒傳三字又按通鑑目錄光啟三年趙德諱陷荆南殺張瓌是溫公說已互異矣

昭宗天處

璋按復誤處

三年

十月山南節度趙匡凝

璋按山南下刪東道二字

璋按唐書地理志太宗元年分天下為十道五曰

江陵縣志刊誤

卷之四

十三

山南開元二十一年又因十道分山南江南為東

西道通典開元二十一年分為十五道山南東治襄

州二書所載如此昭宗時安得尚有山南節度滅

字法有必不可用於地志者此類是也

後梁開平四年楚遣將來寇高季昌擊破之斬首五千級

璋按通鑑及十國春秋季昌破楚軍於油口在公安

非江陵所宜紀且南平亦僭國也此非高氏國史來寇之文殊乖史例宜依通鑑及正史書法前後

同此誤者數條不盡刊

六月高季興稱藩於吳 希範為監車璋按軍

宋太祖乾德元年 荆門距江陵百璋按脫里則兵

已璋按脫據城中 並其帥璋按師

第五十六卷外志 釋老

道安弟子法遇 猶遠垂宏憂璋按憂念

天皇道悟禪師

璋按道悟以元和丁亥四月晦日示寂今刪去年月非是

江陵縣志刊誤

卷之四

十四

僧齊已 武信王署為龍興寺僧正

璋按黃山谷跋齊已詩云高氏延齊已居龍興寺遂為荊州僧正以老十國春秋亦謂武信王禮齊已於龍興寺署為僧正蓋僧正其職龍興寺其所居也如今之僧綱司居承天寺豈得稱承天寺僧綱耶

陸法和

璋按陸法和隱枝江百里洲宜刪

鄧郁 江陵人

璋按梁書鄧郁荆州建平人建平今歸州巴東地
舊屬荆郡故舊志採入郁隱衡山又與江陵無關
徑作江陵人未知其何据也

第五十七卷外志 寺觀

承天寺 志餘史稱羅含致政還家階庭忽蘭菊叢
生則叢蘭之寺當在城外

璋按以本傳推之蘭菊叢生當在未陽然自羅愚
已誤會晉書矣

興國寺

一名放生池

康熙丙子年建乾隆戊申後重建

元梁

江陵縣志刊誤

卷之四

十五

帝碑記
載藝文

璋按孝元雖有放生亭碑豈預為此寺作耶願以
質諸明者

鐵女寺

即鐵女廟

璋按廟為鐵女而建自宜人於壇廟以彰孝烈不
得因有女尼焚修遂改隸寺觀也且凡祠廟中今
皆僧道常住而不以併入寺觀者義固各有當爾

天皇寺

僧重

璋按衆
誤重

補續之

莊嚴寺

路史息石者亦息土之類在江陵莊嚴寺

或云蘊玉豈卽石佛之碎石耶高子勉有息石詩序
璋按此志餘文也路史云高子勉息石詩序在江
陵莊嚴寺或云蘊玉

普仰寺在沙市宋紹興間建

龍堂寺在沙市唐建

璋按以時代序次史例也今既按地里分列則各
路之中仍宜畧分時代普仰在龍堂之前是唐後
於宋矣此類亦難盡刊

接引塔在觀音寺前亦湘獻王造

江陵縣志刊誤

卷之四

六

璋按志餘郡志皆云湘獻王造緣未見遼王建塔
碑記耳藝文既搜載此碑何以仍沿舊說畧無辨
正

天宮寺 自講法華成實

璋按成實二字沿志餘譌

江瀆觀在沙津

璋按卽江瀆宮也壇廟已載

超然觀在沙市乾隆庚戌重修

璋按郡志雖分注創建時代未詳而載各勝志紫

府先生事明此觀宋初已有也茲僅紀重修歲月而於前事畧不之及毋乃缺其所不當缺與

如來庵

大圓庵

順龍庵

紫雲庵

圓應庵

海潮庵

極樂庵

江陵縣志刊誤

卷之四

十七

地藏庵 一在沙市

璋按沙市地藏庵在舊三義廟之西多年没入江

高龍庵 吉祥庵

大師庵

多寶庵

自在庵

朝陽庵 得勝庵

西來庵 送子庵 百子庵

廣濟庵

十方庵

紫竹庵

白齋庵

鎮江庵

旃檀庵

觀音庵

大佛庵

大慈庵

桂香庵

昭濟庵

西聖庵

那通庵

慶蘭庵

江陵縣志刊誤

卷之四

六

璋按已上皆佛寺不宜錯置觀後

赤帝宮

文昌宮

女媧宮

璋按已上宜入壇廟

觀音院

報恩院

慈航閣

觀音閣

青蓮閣

璋按已上皆佛寺不宜錯置觀後

文昌閣

文星樓

璋按宜入壇廟

大福田

心月林

水月林

是佛第

江陵縣志刊誤

卷之四

九

四面佛

金粟林

準提庵

璋按已上皆佛寺不宜錯置觀後

江陵縣志刊誤卷之四

男

經裕

敬棻

江陵縣志刊誤卷之五

邑人 劉士璋 南赤

第五十八卷外志 雜記

楚文王少好畋獵

璋按出幽冥錄及孔氏志怪○援引故實必注出典庶覽者得資參考此門從郡志錄出者郡志已著書名郡志列傳皆然茲皆不贅其所增入多採自搜佚搜佚亦多予惟注出原書或原書未及檢對則注出搜佚

江陵縣志刊誤

卷之五

尸子云楚璋按尸子作荆莊王命養由基射蜻蛉

璋按出搜佚末句今人但言穿楊貫猿事耳即搜佚所增

楚莊王宮人

璋按出述異記

楚莊王有琴 三日工布

璋按出越絕書及梁元帝纂要三日工市誤作工布

楚王獵于雲夢

璋按出異苑

楚語曰靈王爲章華之臺

璋按出搜佚

孔子之楚有漁者

璋按出說苑及家語

新序云白公拔劍 伯靡曰

璋按出說苑此從搜佚錄出非劉氏原文然按其起訖猶可意揣得之其他經孔氏點竄者甚多今皆但注原書不及詳辨

江陵縣志刊誤

卷之五

二

楚昭王戰敗走而履決

璋按出獨異志此從舊志雜識錄出亦小有點竄莊子云老萊子之弟子

璋按出搜佚

屈原五月五日

璋按出續齊諧記

拾遺記云

璋按搜佚通上爲一條

後漢書岑彭旣定夷陵

璋按出搜佚

漢明帝時七星鹿出江陵兩角間有道家符

璋按古今注明帝永平中三角鹿出江陵異苑鄱陽樂安彭曾射一鹿兩角間有道家七星符搜佚蓋誤合二事爲一事也

關平娶趙氏鎮東將軍女也善易理吳兵至荆日占蹇卦諭家人曰利西南不利東北難將至矣聞麥城被困卽携八歲子樾避安鄉獲免於難更姓門混迹農家至晉仍旋荆州復關姓守陵冢而家焉

江陵縣志刊誤

卷之五

三

璋按安鄉縣在漢爲孱陵在齊爲唐縣陳始析置安鄉兩晉以前未有斯名矧麥城被困在荆州旣破之後安鄉已陷敵境不應反往避難吳蜀不久旋即通好鎮東將軍及關氏嗣侯俱在亦不應混迹至晉始復姓旋荆也且不明注出典則未知何據

晉王澄在荆州

璋按出晉書郭舒傳

庾翼少與右軍齊名 與都下人書云小兒輩賤家

雞而重野鷺皆學逸少書

璋按出天中記今類書中多以此事出南史考南史及齊書王僧虔傳但云小兒輩賤家雞皆學逸少書法書要錄亦同此語唯宣和書譜作憎家雞好野雉耳

庾肩吾少事陶先生

璋按出鬼董

庾翼鎮荊州

璋按出世說注

謝安石始有東山之志

江陵縣志刊誤

卷之五

璋按出世說

謝奕桓溫辟爲司馬

璋按出世說

桓溫陰懷犯順

璋按出晉書習鑿齒傳

桓溫在荆

璋按出晉書習鑿齒傳

車允南平人

璋按出搜佚

桓溫鎮荆

璋按出搜佚

石崇為荊州刺史

璋按出搜佚已上俱見晉書及世說

桓沖鎮江陵

璋按桓沖鎮荊州治上明此條出渚宮故事余知

古舉郡名耳宜刪

桓車騎沖在荊州

璋按出世說桓沖治上明在松滋劉麟之隱陽岐在石

江陵縣志刊誤

卷之五

五

首皆非江陵地宜刪

王忱少曠達嗜酒 祖台州

璋按出酒譜祖台之誤作祖台州

李都為荆南從事

璋按出抒情集此晚唐事不應載晉前

司馬休之府錄事參軍韓延之

璋按出晉書宗室列傳

甄法崇永初中為江陵令

璋按出南史本傳及述異記

宋高祖遺詔令諸子次第居荊州

璋按出搜佚此孔氏抄撮宋書之文故不注原書
宋倉曹參軍金城邊榮

璋按出南史沈攸之傳

宋齊諸王出鎮皆置典籤

璋按出南史巴陵王子倫傳

齊王子隆爲荊州刺史

璋按出南齊書謝朓傳齊王子隆宜書齊隨郡王
子隆沿搜佚誤

江陵縣志刊誤

卷之五

六

王僧辨嘗鎮荆南得橘一蒂三十子以獻梁武帝

璋按梁書大寶元年將軍王僧辨家有橘三十子
一蒂以獻是時武帝崩已踰年王僧辨始爲湘東
王諮議參軍後爲領軍將軍亦未嘗鎮荆也蓋搜
佚之誤

梁始興王憺

璋按出搜佚

梁安城王蕭欽

璋按出搜佚

孝元前在荊州 吾雅愛其手迹

璋按從郡志錄出本顏氏家訓卽如吾雅愛其手迹句不注出典知吾字爲何人語乎虞虹升謂稗史彙編不注所出至以古人所稱予儼若纂者自稱古人所稱是時儼若纂者之時正此類耳

梁元帝爲湘東王時

璋按出北夢瑣言

梁孝元鴻博多才所著有金樓子其自序云或謂余曰

江陵縣志刊誤

卷之五

七

璋按自或謂余曰以下計五行見金樓子立言篇其自序篇在卷末未有是也此錄搜佚蓋沿其誤梁元帝著荆南地記

璋按出搜佚然藝文中旣詳載書目矣不必復採元帝太子方等善畫

璋按出顏氏家訓

梁元帝初從劉景授相術

璋按出南史本紀

梁元帝善畫

璋按出名畫記

吳郡顧士端

璋按出顏氏家訓

梁元帝眇一目

璋按出鬼董

王偉協侯景謀謨

璋按出談藪

梁孝元都江陵

璋按出志餘

江陵縣志刊誤

卷之五

八

梁元為湘東時

璋按出太平廣記

侯景未平

璋按出三國典略

宗炳官太子中舍人

璋按出搜佚

宗少文嘉遯江湖之間

璋按出山谷題跋

宗測春遊山谷

璋按出雲仙雜記

庾喬為荊州別駕

璋按出南史庾華傳人物列傳中何以刪去此事
反錄搜佚耶

宗如周為蕭詧尚書

璋按出北史宗如周北史作宋如周此沿搜佚之
誤

後梁有何山者

璋按出三國典略

江陵縣志刊誤

卷之五

九

梁廬陵王蕭續

璋按出還冤記

岑文本擢拜中書舍人

璋按出搜佚賢達中既錄本傳矣此與本傳不過
小異耳復出宜刪

岑文本初事蕭詧

璋按出搜佚

唐麟德二年

璋按出搜佚

姑獲鳥夜飛晝隱

瑋按出元中記

衛伯玉有名馬

瑋按出搜佚

河東裴章者

瑋按出南部新書

元微之荊州詩

瑋按出搜佚

李子牟唐蔡王第七子

江陵縣志刊誤

卷之五

十

瑋按出酉陽雜俎此從舊志方伎錄出非復段氏

舊文

唐王司徒潛

瑋按出北夢瑣言

白皎有法術

瑋按出舊志方伎

薛少尹寓居渚宮

瑋按出北夢瑣言

張仕政外科

璋按出舊志方伎酉陽雜俎作張七政

成式姪女乳母阿史

璋按不注出與如此條何以見成式卽段柯古耶

○郡志注酉陽雜俎

唐會昌時工部尚書楊漢公

璋按出東觀奏記

李昌夔在荆南打獵

璋按出朝野僉載

唐荊州成令公泐

江陵縣志刊誤

卷之五

璋按出北夢瑣言

天祐中淮師圍武昌不解

璋按出北夢瑣言考通鑑事在天復三年五月瑣

言誤作天祐考異常駁之矣

荊州推官魏釗

璋按出搜佚

邑人姚子篤

璋按顏氏家訓事置於唐末大失次又上魏釗條
推官雖昉於宋按其序述當屬勝國事跡亦誤置

晚唐中

黃巢入廣州

璋按出北夢瑣言

孫光憲爲荆南幕府

璋按出舊志備遺

僧可隆者善詩

璋按出天定錄

荆州高文獻王好馬

璋按出北夢瑣言

江陵縣志刊誤

卷之五

十二

荆文獻王高從誨

璋按出草木子祥異物產並載此三見矣

宋蜀寇李順

璋按出老學庵筆記

宋馮大參當世 鄂倅南宮城

璋按出舊志雜識考湘山野錄南宮誠非南宮城

柳開少好任氣 江陵張景能文有名

璋按出湘山野錄張景公安人稱江陵者舉郡名

耳宜刪

水經注江陵古岸有季母浦浦中徧無蚊蚋之患
璋按出舊志備遺考水經注季母浦在夏浦下崢
嶸洲今武昌黃州所屬地去荆郡甚遠舊志沿丹
鉛錄之譌謂在荆州又譌李爲季則寫刻之誤也
建炎間荆南多虎

璋按出虎薈

荆州有人山行

璋按出虎薈

宋淳熙間荆南官舍

江陵縣志刊誤

卷之五

十三

璋按物產已載

忠肅公趙方

璋按出搜佚

劉童子善聲骨及命術

璋按出玉壺清話

廣陵馬永卿

璋按出懶真子

寶祐中孟無菴珙

璋按出搜佚

無庵任荆湖制帥

璋按出搜佚

韓子云荆南之地

璋按出搜佚物產已載

顏師古云

璋按出搜佚

漢乙世南郡太守

璋按出搜佚

楚世族官制

江陵縣志刊誤

卷之五

璋按出搜佚

唐惠卿荊州庭中

璋按出獨異志

茶自陽羨建州而外

璋按出搜佚

術者董元素 此江陵枝江縣柑

璋按出舊志備遺江陵舉郡名猶曰此江陵府枝

江縣柑耳宜刪

邱司寇楫

璋按出湧幢小品

河東長沙二寺

璋按出搜佚

江陰李原德漫筆

璋按出湖北詩佩小傳

朱平涵湧幢小品云

璋按出搜佚

遼庶之誣

璋按出搜佚

江陵縣志刊誤

卷之五

明湘玉柏

璋按出搜佚

參議胡公琮

璋按出虎薈

荊州人初旦

璋按出遊宦紀聞

朱平涵國禎云

璋按出搜佚

舊制惟鐵券填金

瑋按出搜佚然張楚城傳中已載此事矣復出宜
刪

朱隱之畫史云

瑋按出搜佚

海內中山經曰

瑋按出志餘

江陵東北七十里

瑋按出志餘

天啟間曹大咸給事

江陵縣志刊誤

卷之五

六

瑋按未詳所出

荊州有氣如虹

瑋按出舊志備遺

吳公受茲名晉錫

瑋按出觚賸

江陵近地無高山

瑋按出志餘

崇禎癸未

瑋按出志餘

何氏者國色工詩詞

璋按未詳所出

蔡惟首順治辛丑進士

璋按出舊志備遺

湖南張奇神

璋按出新齊諧

張毓參邑廩生

璋按未詳所出以下數條皆輯近事

江陵縣志刊誤

卷之五

十七

江陵縣志刊誤卷之五

男

經裕

敬棨

江陵縣志刊誤卷之六 補遺

邑人 劉士璋 南赤

第二卷方輿 形勢

資治通鑑楚馬殷將王環曰荊州在南朝吳蜀之間
四戰之地也

璋按通鑑荊州在中朝吳蜀之間不作南朝當時
以梁唐繼中原正統故稱中朝竟易南字不特五
代時無此稱謂且二字亦落空與下四戰之地語
意不合

江陵縣志刊誤 卷之六

地理通釋 又曰湖北要害 璋按會 首在荆陝 皆

荆陝封境也

璋按地理通釋引胡文定公此語在西陵峽口下
荆陝不作荆陝荆指荊州峽指峽州故有陸抗父
子協規守宜都語此誤會荊州有陝西之名遂改
峽為陝蓋未見王氏原書故也

疆域

西北至鳳 璋按鄠 壇河

第三卷方輿 山川

龍山 山海經龍山上多寓木其上多碧其下多赤錫其草多桃枝鉤端

瑋按山海經中山經龍山在荆山東北靈山又東北七十里與此地不合故志餘雖載此條而郡志刪之

西山 晉王子猷爲桓沖參軍

瑋按桓沖治上明西山當在彼不在此郡志沿名勝志誤耳

楊水 按沮漳入江亦未合流入沔

江陵縣志刊誤

卷之六

二

瑋按此條前已有辨考漢書注荆山在臨沮東北漳水所出東至江陵入陽水陽水入沔行六百里斯則志餘所本耳

土地口 漢水自圻口入直路河逕田關過浩口南注於此

瑋按入直路河不當在逕田關之前

太白湖西與瓦子湖連東出梅家嘴

瑋按湖在瓦子湖之西郡志謂與長湖卽瓦子湖連東出梅家嘴蓋會長湖而東出耳今增一西字則此

湖反在長湖之東矣前關沮口下又謂長湖水自龍口逕太白湖至此達於草市不顯然自背其說耶

漕河 晉杜預自荆門羅堰口開大漕河由里社穴以達沔直通襄漢

璋按此條沿郡志之誤漕河考附載

郡志謂漕河在城北卽今荆門州之建陽河其上流亦淤不能通漢而下流匯于江陵之瓦子長湖又引晉書杜預傳開陽口起夏水達巴陵內瀉長

江陵縣志刊誤

卷之六

三

江外通零桂以爲漕河卽預所開水經注宋元嘉中通三湖注陽水以廣漕運蓋修預故道云云予謂以漕河爲建陽河是已至杜預所開卽水經之陽口使巴陵以南之漕由陽口而達襄陽所及者遠荆州城北漕河則祝氏方輿勝覽所云晉建武初始鑿自羅堰口出大漕河由里社穴沌口沔水口直達襄漢二江其原委皆別未可牽合爲一也考荆門州志建陽河在州南一百一十里河之南有左溪源出九汭谷石牛寺二水皆自西而東同

注於十回橋河自此而紆回七八十里入于關沮
口下流之太白湖上通城北而下通陽沔未入湖
處有洛陽口南距三海不遠洛陽於義無取志書皆無
洛陽疑卽羅堰之譌此水秋冬不涸百石之舟自
城北可達於十回橋郡志謂上流已淤不與漢通
蓋誤疑建陽河當自郡北流入而不悟十回橋河
之卽建陽河也荆門州志亦誤謂建陽河自羅堰
龍陂合自中昏官三湖水口舊府志列於山川與統志郡志志餘皆未
指定何處唯縣志以隸荆門似亦有會於此第沿

江陵縣志刊誤

卷之六

四

郡志杜預開漕河之說遂以祝氏所述盡舉而屬
之預則更誤矣或疑陽口開自杜預水經注源流
具載建武初漕河入漢不應出沌口而入沔水口
紆道數百里不知河與口開塞皆無常此河在宋
時三十年中太宗端拱初浚之真宗天禧末又浚
之晉建武初距平吳時約四十年陽口必已塞故
漕河不由此入漢宋元嘉中通三湖注陽水以廣
漕運陽口必又開郡志引水經此條以故水經注
爲修預故道尚可從具載之耳然則漕河入漢非由杜預故道其開鑿

又在東晉初豈得援晉書以相證哉

三海 水出蛟尾與漕水合流匯于三湖

璋按三海水出關沮口逕太白湖龍口入長湖會了角廟河而東注不以三湖爲壑蛟尾在龍口對岸特濱湖之斷港耳

第四卷建置 城池

魏以營爲梁王居東城置江陵防主統兵居西城名曰武植

璋按周書通鑑皆作名曰助防唯北史作武植考

江陵縣志刊誤

卷之六

五

國語仁置德武置服金滕植壁鄭司農云植古置字武植命名之義或取諸此

第五卷建置 壇廟

倪將軍廟 楚志可福季興壻也

璋按通鑑高季興以女妻可福子十國春秋從之楚志恐誤

第九卷建置 鄉鎮

鷹坊

高麗坊

莊敬坊

枇杷村

東村

瑋按已上數址今皆不存亦應注明然此等失注處甚多郡志可對校也

第十四卷學校 廟祀

國朝康熙六十年巡道殷邦翰遷建今址雍正三年告成

瑋按大成殿東西兩廡戟門崇聖名宦鄉賢諸祠

江陵縣志刊誤

卷之六

六

皆當時所建此下宜備書之文有不嫌煩複者固難一概論也

第十五卷學校 鄉飲

至日遼明

瑋按黎明不作遼明

第二十卷秩官 軍制

按荊州沿革雖殊 他如共敖劉琮蕭子響姜珪之屬旋起旋滅

瑋按劉琮席父業闇弱不能自存非旋起旋滅者

比且在襄陽與此地無關涉蓋襲志餘舊文之誤
第二十一卷風土 風俗

漢書有江漢之饒

璋按此條乃志餘隱括漢書語下依郡志錄地里
志矣不必複載

第二十三卷名勝 古蹟

奉城 亦白江津戍昔陸抗屯此與羊祜相對

璋按水經注奉城亦曰江津戍戍南對馬頭岸昔

陸抗屯此璋按此字指馬頭岸與羊祜相對杜氏通典馬頭

江陵縣志刊誤

卷之六

七

故戍城在公安縣西北六十里陸抗所屯以北對
江津與羊祜相拒今隸此事於奉城之下而刪戍
南對馬頭岸句則陸抗反屯江津羊祜反據馬頭
矣

馬頭在城西南一名石馬頭

璋按宜書石馬頭馬頭在大江南岸正今邑境郡
志仍通典之說誤載公安此亦削而不錄非是

老萊子里在城西 今孝義街是

璋按老萊子隱蒙山之陽城西有里已屬傳疑竟

以孝義街實之未審何据也

卷二十七卷人物 賢達

為艾獵字叔敖

遠罷字子蕩

遠啟疆 直而能盡諫

璋按郡志藩封載為艾獵為子馮遠啟疆三人以

子馮為叔敖子杜注叔敖從子遠啟疆為楚同姓皆据夾

滌鄭氏通志此則退子馮而進遠罷又謂三人宅

本邑海子湖里居無疑見莊辛按語大約据左傳注謂

江陵縣志刊傳

卷之六

八

子馮非叔敖子耳然遠罷遠啟疆注亦未詳氏族
安見即叔敖子姓耶且子馮及其子掩見於左氏
傳者猶不失為善類遠罷如晉雖叔向嘗稱其敏
厥後聘魯取譏穆叔特纂弒之黨與耳遠啟疆諫
靈王亦有可取然如召魯侯反大屈幾於戰國策
士之雄直者固如是乎此門以賢達著目則去取
之間知人論世之義存焉固不可以苟然也

第三十卷人物 文苑

董恢江陵人後居太原至元間任丁角酒稅副使儻

居詩云云

璋按此從湖北詩佩錄出第恢既遷晉詩又作於
宦遊之地本邑別無表見入之雜記庶可

鄭詞隆慶才子鄭天佑之後萬厯時麻城教諭

璋按郡志選舉貢生萬厯間有鄭詞官學正當卽
此人第考郢書天佑子岳萬厯壬子舉人孫人琦
順治戊戌進士詞與岳同時當屬伯仲而郢書略
不之及何與

張遐齡 任光化諭

江陵縣志刊誤

卷之六

九

張應宗 任大冶諭

璋按教諭不可減教字

第三十一卷人物 武勳

陸士毅字公遠侍御公之子

璋按當云御史師贄子

第四十九卷藝文 雜體

南郡辨 秦分郡置江陵縣而郢江陽陵二縣俱立

漢景帝三年改江陽曰江陵以郢併之

璋按秦分郢置江陽縣郢與江陽俱立漢景帝改

江陽爲江陵以郢併之見志餘所引輿地志此沿舊志之文分郢誤作分郡江陽誤作江陵陽下誤增陵字令覽者亦憤憤矣此門所採諸辨旣欠明晰復多舛漏不存可也

第五十七卷外志 寺觀

天皇寺 明洪武初修又名護國

璋按護國今所名移置洪武句下則似明初已有斯名矣如郡志所書始見分曉

牛牧寺 晉建

江陵縣志刊誤

卷之六

十

璋按宜依郡志增久廢二字又按顏之推還冤記作牧牛寺

金枝寺 三國時蜀建有唐岑文本碑記僅存九十餘字

璋按舊志云金枝寺漢建武間建故郡志削而不錄考白馬名寺始自漢明帝不過立於洛城耳後漢桓帝及楚王英漸爲崇奉三國時竿融督廣陵彭城大起浮圖祠以銅爲人黃金塗身見吳志民間祠祀應始於此然亦未有寺名也此云金枝寺

蜀建倘非岑文本碑記實足考信恐不免傳聞之
譌耳

雪山寺 昔人築雞璋按脫臺於院側

第五十八卷外志 雜記

桓車騎沖在荊州張元為侍中 劉子無意

璋按世說云張甚欲語劉了無停意此沿搜佚之
誤

蔡惟首 唐縣之嚴欽謨

璋按唐縣下誤脫知縣二字則似唐縣人矣又前

江陵縣志刊誤

卷之六

十一

選舉中疑其籍隸荆門里居或在江陵及考荆門
州志謂欽謨產沙洋不解舊志何以載入也

江陵縣志刊誤卷之六

男

經裕

敬棨